

Inoqarfinnut isorliunerusuniittunut nunaqarfinnullu periarfissat pillugit inuttut ilanngaammut, nuna tamakkerlugu akileraarutip appasinneruneratigut, ilinniarnermilu taarsigassarsiniarnermi taarsersuinermit iluaqusersuinerit il. il. nunatsinni atulersinnaanerit pillugu Norgemi Finnmarkimut atugassaritineqartut isumassarsiorfigalugit Naalakkersuisut misissuequllugit peqquneqarnissaannik Inatsisartut aalajangiiffigisassaattut siunnersuut. Misissuinermi periutsit taamaattut nunatsinni atuutsinneqalersinnaanerannut aningaasaqarnikkut allaffissornikkullu pisortanut, namminersortunut innuttaasunullu aningaasatigut malitsigisassaat ilaatinneqassapput. Misissuinerup inerneru kingusinnerpaamik UPA2023-imi inatsisartunut agguanneqariissapput.

(Aningaasaqarnermut Naligiissitaanermullu Naalakkersuisoq)

Akissuteqaat

(Aningaasaqarnermut Naligiissitaanermullu Naalakkersuisoq)

Aappassaaneerneqarnera

Aallaqqaasiullugu Naalakkersuisut sinnerlugit Aningaasaqarnermut Akileraartarnermullu Ataatsimiititaliaq pitsaasumik isumaliutissiissutilliorneranut qujaffigerusuppara.

Ataatsimiititaliaq aamma Naalakkersuisut allannguutissatut siunnersuutaat allaqqissaarneqarnissaanut siunnersuuteqarnera qujaffigerusuppara.

Taama naatsunik oqaaseqarlunga Naalakkersuisut sinnerlugit Aningaasaqarnermut Akileraartarnermullu Ataatsimiititaliaq allannguutissatut siunnersuut akuerissagaat inassutigaa.